

四庫全書

子部

欽定四庫全書

全芳備祖後集卷二十

宋 陳景沂 撰

農桑部

穀

禾

稼穡

黍

稷

粟

粳

秫

稷

田

以上

並同

事實祖

碎錄

三農生九穀鄭司農注稷秫黍稻麻大小苴大小麥

周禮

六穀凡王之饋食用六穀鄭司農注稌黍稷粱麥苽

同上

五穀以五味五穀五藥養其病鄭司農注麻黍稷麥豆

同上百穀梁者黍稷之總名稻者既種之總名菽者衆豆

之總名三穀各二十種為六十蔬果之實助穀各二十

是為百穀

楊泉物理論

五穀皆熟為有年

穀梁

俶載南畝播厥

百穀

詩載芟

亟其稊屋其始播百穀

詩七月

穀賤傷農

昭帝詔

百穀仰膏雨

左傳

農殖嘉穀

呂刑

不違農時穀不可勝食也

孟子

一穀不升曰歉二穀不升曰饑三穀不升曰饉四穀

不升曰荒五穀不升曰大祲大祲則君食不兼味臺榭

不塗百官布而不制鬼神亦禱而不祠

穀梁傳

穀一不收

謂饑二謂旱三謂凶四謂餽五謂饑饑至九穀不熟謂

之大侵大侵則大夫以下損祿五分之一旱則二凶則

三餽則四饑饑大侵則盡祿廩食而已

墨子

穀不熟為饑

仍饑為薦薦連年不熟也

爾雅

禾嘉穀也二月始生八月

而熟得時之中故謂之禾

說文

禾易長畝終善且有

詩甫田

十月納禾稼黍稷重陸禾麻菽麥

七月注

禾者總名黍稷

稻粱皆名為禾麻與菽麥則無禾稱地之美者善養

禾貴山稼穡禾之秀實者為稼一曰在野曰稼說文土爰

稼穡洪範注種曰稼欽曰穡君子所其無逸先知稼穡

之艱難書無逸稼穡維寶代食維好桑不稼不穡胡取禾

三百廛兮詩伐檀若農服田力穡乃亦有秋盤庚我稼既同

七月曾孫之稼甫大田多稼大田黍稷禾之不黏者為黍亦

謂之稌亦曰黃黍古今注大暑而種故謂之黍說文華黍時

和歲豐宜黍稷也詩豐年多黍多稌彼黍離離彼稷

之苗黍稷稻粱農夫之慶並詩黍稷非馨明德惟馨君陳

祭宗廟之禮黍曰薌合粱曰薌其稷曰明粱曲禮仲夏之

月農乃登黍是月也天子以雛嘗黍月令孟冬之月天子

食黍與粢同上牛宜稌羊宜黍豕宜稷犬宜粱內則飯黍稷

稻粱白黍黃粱糝同上粳同上芄芄黍苗詩稷五穀之長也說文

粱稷今江東人呼粟為粱爾雅藁赤苗今之赤粱粟芑白

苗今之白粱粟黑黍一名秬黍秬一稗二米秬是黑黍

之中一稗二米者爾雅青粱穀穗有毛粒青米亦微青而

細于黃白粱也黃粱穗大毛長其穀米俱粗于白粱而

收子少白粱亦穗大而長穀粗而長不如粟圓也粟米  
畚田種之甚易舂粒細香美陳者或呼為粢大抵人多  
種粟而少種粱以其損地力而收穫少其粟米比粱乃  
細而圓

本草

粳米即人所常食米有白赤大小異族四五

種同一類也

本草

秔稌屬也秔稻不黏者然秔稻與糯稻

甚相類黏與不黏異耳江東呼糯為粳

力亂反

呼秔為仙

本草

國稅再熟之稻

吳都賦

秣稻之黏者為秣

古今注

紀要

炎帝大庭氏下為地皇作耒耜播百穀曰神農 神

農氏之治天下也甘雨以時五穀蕃殖

淮南注

黃帝藝五

穀

史記

帝堯之時有老人擊壤于路曰日出而作日入而

息耕田而食鑿井而飲帝力何有于我哉

通鑑

帝舜曰棄

黎民阻饑汝后稷播時百穀

舜典

誕后稷之穡有相之道

生民禹稷躬稼而有天下

憲問

厲山氏之子能殖百穀故祀

以為稷

禮記

惟勾龍氏兼食于社而棄為稷神歷代奉之

家語后稷封邠公劉處邠太王遷岐文王作豐武王治鎬



其民有先王遺風好禾稼故幽詩言農桑衣食之本甚

備

地理志

文王卑服即康功田功

無逸

農用八政

洪範

成王春

籍田而祈社稷

載

宣三年五穀皆熟為大有年

穀

大

有年何以書以喜書也

公羊

淳于髡滑稽多辯齊威王八

年楚伐齊齊使髡之趙請救齊金百斤車馬千駟髡仰

天大笑冠纓索絕王曰先生少之乎髡曰臣今者從東

方來見道傍穰田者操一豕蹄酒一盃祝曰甌窶滿篝

汙邪滿車五穀蕃熟穰穰滿家臣見其所持者狹所欲

者奢故笑之齊王乃益黃金千鎰白璧十雙車馬百乘

髡至趙予精兵十萬楚聞之引去

注

篝籠也汚邪下田

也

史記

漢文帝親率羣臣以勸農

本紀

漢文帝問丞相勃曰

天下錢穀一歲出入幾何勃謝不知又問左丞相平平

曰各有主者陛下問錢穀責治粟內史

本傳

景帝詔郡國

務農桑益種植

本紀

武帝始令民入穀補官郡至六百石

本紀武帝末年悔征伐之事下詔以趙過為搜粟都尉

本紀

漢賊操患廩穀不足私謂主者曰何如答曰以小斛量

之賊操曰善其後軍中謂賊瞞欺衆賊瞞謂主者曰特

當借汝頭以壓衆不然不可解也遂斬于軍中

魏志

孔子

侍坐于魯哀公設桃具黍孔子對曰夫黍者五穀之長

也祭先王以為上盛果有六而桃為下祭先王不得入

于廟丘聞之也君子以賤雪貴不聞以貴雪賤今以五

穀之長而雪果蓀之下是侵上雪下也

家語

鄒衍在燕有

谷地美而寒不生五穀鄒子吹律而溫至今傳名為黍

谷

列子

禾唐叔得禾異畝同穎獻諸天子

尚書

秋大熟未獲

天大雷電以風禾盡偃王與大夫盡弁以啟金滕之書

王出郊天乃雨反風禾則盡起

書

漢光武生于濟陽縣

是歲有嘉禾九穗

東觀漢記

秣陶淵明為彭澤令公田悉令

種秫稻妻子固請種粳乃使二百五十畝種秫二十畝

種粳

宋書

### 雜著

猗猗嘉禾惟穀之精其洪盈箱協穗殊莖昔生周朝今

植魏廷獻之廟堂以昭祖靈

曹子建頌

華實蔽野黍稷盈疇

王粲登樓賦

嘉禾六穗曷積曷蓄

司馬相如封禪書

野多滯穗畝有

餘糧六穗慚稱于漢臣異畝恥書于周典

柳柳州賀嘉禾表

秦

民歌曰涇水一石其泥數斗且溉且糞長我禾黍

前溝洫志

稻粱穰麥挐黃粱些

楚辭

五穀六仞設蓀梁只

同上

賦咏祖

五言散句

舊穀猶儲今

淵明

佳穀垂金穎

陸機

新炊間黃粱

杜甫

雲嶼鋤畬粟

放翁

衰年催釀黍白露黃粱熟

杜甫

平疇交遠風良苗亦懷新

淵明

春秫作美酒酒熟吾自斟

今年秋應熟過從飽雞黍

東坡

秋風報秋熟萬頃炊穠楮

張石史

### 七言散句

蠶麥俱收穀價平

放翁

眉山遠地蜀山西九穗嘉禾忽效奇

夏英公

金...  
卷二十  
裹飯送君吾豈敢黃雲糲粒連東臯

張文潛

五言古詩

買居休稼穡僇力東林隈不言春作苦常恐負所懷  
司田眷有秋寄聲與我諧饑者歡初飽束帶候鳴雞楊楸  
越平湖泛隨青壑迴鬱鬱荒山裏猿聲聞且悲哀風愛  
靜夜林鳥嘉晨開曰余作此來三四星火額姿年逝已  
老具事未聞乖遙謝荷篠翁聊得從君栖  
淵明  
何處好畬田團團縵山腹鑽龜得雨卦上山燒卧木下

種塤灰中乘陽折芽藥蒼蒼一雨後苔蘚如雲發

劉禹錫詩

行田

斜陽照墟落窮巷牛羊歸野老念牧童倚杖候荆扉雉  
雖麥苗秀蠶眠桑葉稀田夫荷鋤至相見語依依即事

美閑逸悵然歌式微

王維田家

父耕原上田子劓山下荒六月禾未秀官家已修倉鋤  
田當日午汗滴禾下土誰念盤中餐粒粒皆辛苦二月  
賣新絲五月糶新穀醫得眼前瘡剗却心頭肉我願君



王心化作光明燭不照綺羅筵只照逃亡屋

田家  
蟲夷中

田田時雨足鞭牛務深耕選種隨土宜播植糲與稭條

桑去蠹枝柔柔待春榮春事不可緩春鳥亦已鳴

郭功  
父田

家四  
時

麻麥聞熟刈蠶成繅莫遲更看田中禾稂莠時去之幸

此亦日長農事莫敢違願言一歲稔不受三冬饑

開塍放餘水經霜穀將實更犁原上疇收麥亦云畢老

叟呼兒童敲林收橡栗乃知田家勤卒歲無閒日

田事今云休官輸亦已足刈禾既盈困採薪又盈屋牛  
羊各蕃衍御冬多旨蓄何以介眉壽甕中酒新熟

五言古詩散聯

既多九穗穀復有三秀芝以保萬壽穀以慶東菑

宋景

文

早稻如倒戈十穗八九折晚禾不及秀日災根上烈踏

車邀湖水車衆湖欲竭

張文潛

五言絕句

春種一粒粟秋收萬顆子四海無閑田農夫猶餓死

李紳

木黍不陽艷競栽桃李春翻令力耕者變作弄花人

名賢

集

五言八句

白露黃粱熟分張素有期已應春得細頗覺寄來遲味

豈同甘菊香宜配紫葵老人他日愛政想滑流匙

少陵

田家無五行水旱卜蛙聲牛犢乘春放兒孫候暖耕池

塘烟未起桑柘雨初晴歲晚香醪熟村村自送迎

章孝標

縣官清且儉深谷有人家一徑入寒竹小橋穿野花碓

喧春澗滿梯倚綠桑斜自說年來稔前村酒可賒

鄭谷田舍

井字行都整花香遠已甜穗肥黃俯首芒動紫掀髯風

攬平雲陣聲鬆缺月鏹不愁禾把減高廩却愁添

誠齋

出裹一簞飯歸收百把禾勤勞解堪忍餘暇更吟哦歲

惡增吾困家貧賴汝多村醪莫辭醉羹芋學岷峨

放翁

種秫供留客移花待探春愁邊開樂國鬧裏作閑身髯

髮今如此頭顱莫問人白鷗非避俗野性自難馴

放翁

七言古詩

牛吃吃田确确旱塊敲牛蹄趵趵種得官倉珠顆穀六  
十年來兵簇簇月月倉糧車轆轤一日官軍收海服驅  
牛駕車食羊肉歸來收得牛兩角重鑄鋤犁作斤斲姑  
姤婦擔輸促促輸官未足歸賣屋農死有兒牛有犢不  
遣官軍糧不足

元稹田  
家詞

老翁家貧在山住耕種南山三四畝苗疎稅多不得食  
輸入官倉化為土歲暮鋤犁倚空屋呼兒登山收橡栗

西江賈客珠百斛船中養犬長食肉

張籍

歌元豐十日五日一雨風麥行千里不見土連山沒雲  
皆種黍水秧綿綿復多稌龍骨長乾挂梁栢鱖魚出網  
蔽洲渚荻筍肥甘勝牛乳百錢可得酒斗許雖非社日  
長聞鼓吳兒踏歌女起舞但道快樂無所苦老翁墜水  
西南流楊柳中間杙小舟乘興歌眠過白下逢人歡笑

得無愁

王安石  
元豐歌

翻翻聯聯銜尾鴉犖犖确确蛻殼蛇分畦翠浪走雲陣

刺水綠鍼抽稻芽天公不念老農泣喚取阿香推雷車

東坡  
水車

春雲濛濛雨淒淒春秧欲老翠刺齊嗟我嬾子行水泥  
朝分一壠暮千畦腰如塋篋首啄雞筋煩骨殆聲酸嘶  
我有銅馬手自提頭尻昂軒腹脇低背如覆瓦去角圭  
以我兩足為四蹄聳踊滑汰如鳬鷖纖纖束藁亦不齎  
何用繁纓與月題竭從畦東走畦西山城欲閉聞鼓鼙  
忽作的盧躍檀溪歸來挂壁從高栖了無剪秣饑不啼

少壯騎汝逮老鰥何曾蹶軼防顛隄錦韉公子朝金閨

笑我一生蹋牛犁不知自有木駃騠

東坡秧馬歌

今年粳稻熟苦遲庶見霜風來幾時霜風來時雨如瀉  
杷頭出茵鋤生衣眼枯淚盡雨不盡忍見黃穗卧青泥  
茆苫一月墮上宿天晴穫稻隨車歸汗流肩頰載入市  
價賤乞與如糠粃賣牛納稅拆屋炊慮淺不及明年

官今要錢不要米西北萬里招羌兒龔黃滿朝人更苦

不如却作河伯嬪

東坡田婦歌



鳩婦勃磳農荷鉏身披襤褸頭茅蒲雨不破塊田折圖  
稊稗青青佳穀枯夫婦碓舂頭髮疎小婦搭毯行餉姑

四時作苦無袴襦門前叫嗔官索租

洪駒父

田夫拋秧田婦接小兒拋秧大兒插笠是甿鋤蓑是甲  
雨從頭上濕到脚喚渠朝餐歇半霎低頭折腰只不答

秧根未牢時未匝照管鵝兒與雛鴨

誠齋揅秧歌

農夫怨農夫怨此怨非是怨年荒此怨勸因年穀賤終  
年辛苦不少懈及到秋成擬償債誰知斛粟不百錢利

尚不償本仍在秋來露冷刈穫時早是朝來債又催況  
兼荒政輸官急不管農夫垂淚泣君王明哲洞無遺此  
怨君王知不知

趙竹  
所

七言古詩散聯

鞭地如鏡築我場破礮玉粒輸官倉九月野空天欲霜  
甌中初喜炊粳香

放  
翁

七言絕句

稻穗登場穀滿車家家雞犬更桑麻謾栽木槿成籬落

已得清陰又得花

周遭圩岬繚

閩

城一眼圩田翠不分行到秋苗初熟處

翠茸錦上織

閩

雲

古來圩岬護隄防岸岸圩圩種綠楊歲久樹根無寸土  
綠楊走入水中央

種茶岩接紅霞塢灌稻泉生白石根  
鰭腹老翁眉似雪

海棠花下戲兒孫

勝白

高田二麥接山青傍水低田綠未耕  
桃杏滿林春似錦

踏歌椎鼓過清明

范石湖

二頃春蕪廢不耕  
半生名宦竟何成  
歸來每羨鄰家樂

月下風傳打稻聲

翁放

翁攜襪襖去栽秧  
婦踏繰車日夜忙  
終歲幾曾身飽暖

逢人猶自說農桑

黃漱澗

七言八句

田底泥中跡尚深  
折花和葉挿畦心  
晚秧初撼金犂線  
先種輸他綠玉針  
雲壠霧疇俱水響  
絲風毛雨正春深

莫聽布穀相煎急且為提壺強滿斟

誠齋

阿香一笑走豐隆雨過平疇萬頃中  
舊喜樊遲知學圃今看許子快論功  
遙憐鬱鬱翻秋隴預想垂垂弄晚風  
珍重詩翁且強健東阡南陌興無窮

朱文公

稻

事實祖

碎錄

杭稻屬也

說文

秬秠也

廣雅

秬亦稻也

爾雅

稻穗謂之禾

有

紫芒稻赤穰白米稻 稻已割而復抽曰稻孫

並廣雅

十

月穫稻

七月

李秋之月天子乃以犬嘗稻先薦寢廟

月祭

祭

宗廟之禮稻曰嘉蔬

禮曲

### 紀要

魏文帝與羣臣書曰江表惟長沙有好米何時新稭稻

出耶西風吹之五里聞香

魏志

夏香有盜刈稻者香助收

之盜者慚送以還香香不受

會稽志

李百藥隋內史德林

之子也七歲能屬文父友陸乂等共讀徐陵文有刈瑯

邛之稻之語歎不得其事百藥進曰春秋邛藉稻杜預

謂在邛邛客大驚

本傳

雜著

國稅再熟之稻鄉貢八蠶之綿

吳都賦

厨膳則有華薌重

柜強臯香杭

南都賦

賦咏祖

五言散句

梗稻共比屋

杜甫

家纔足稻梁

杭稻熟天風

嘗稻雪翻匙

稻梁求未足

獲稻空雲水

祿米麋牙稻

香山香

淅玉炊香粳

韓愈

刈稻擔肩頰

白甌貯香杭

李頎

東渚雨今足佇聞杭稻香

杜甫

柴扉臨野碓半濕揚香杭

國馬竭粟豆官雞輸稻梁

糴糧百頃稻西風吹半黃

杜牧



七言散句

香稻啄殘鸚鵡粒

杜甫

稻米流脂梁米白

荒畦九月稻叉牙

李賀

浮浮大甌嘗炊玉

蘇軾

都城一飯炊白玉

庾堅

稻陂雨細豐年候

放翁

壓塍霜稻報豐年

鋪響駕鸞野日天

宋景文

五言古詩

東屯大江壯百頃平若按六月青稻多千畦碧泉亂插  
秧適云已引溜加溉灌更僕往方塘決渠當斷岸公私  
合地著浸潤無天旱主守問家臣分明見溪畔芊芊炯  
翠羽剌剌生銀漢鷗鳥鏡裏來闌山雪邊看秋菰成黑  
米精鑿傳白粳玉粒定晨炊紅鮮任霞散終然忝旅食  
作苦期壯觀遺穗及衆多我倉戒滋蔓

杜甫

五言八句

香稻三秋末平田百頃間喜無多屋宇幸不碍雲山御  
袂侵寒氣嘗新破旅顏紅鮮終日有玉粒未吾慳

少陵  
三首

稻米炊能白秋葵煮復新誰云滑易飽老藉輟俱勻種

幸房州熟苗同伊闕春無勞映巨盃自有色如銀

復作歸田去猶殘穫稻功築場憐穴蟻拾穗許村童落  
杵光輝白除芒子粒紅加餐可扶老倉庾慰飄蓬


樂府祖

點絳脣

霜落吳江萬畦香稻來塲圃夜村春處茅屋寒燈雨

玉粒長腰沉水溫溫注相留住共抄雲子更聽歌聲駐

曹文  
寵



全芳備祖後集卷二十

欽定四庫全書

子部

全芳備祖後集卷二十一

詳校官中書

臣竇汝翼

主事

臣祁韻士覆勘

總校官庶吉士

臣朱

鈴

校對官助教

臣卜維吉

維吉

謄錄監生

臣陸潮愈

愈

欽定四庫全書

全芳備祖後集卷二十一 宋 陳景沂 撰

農桑部

米 粟附

事實祖

碎錄

米之精者曰粳

說文

粳氏乃粒

注

米食曰粒

益稷

樂歲粒米

狼戾多取之而不為虐

孟子

粟嘉穀實也粟之為言續也

說雖有粟吾得而食諸

論語

紀要

子路見於孔子曰昔者由也事二親之時常食藜藿之食為親負米百里之外親沒之後南遊於楚從車百乘積粟萬鍾欲食藜藿為親負米不可得也

家語

淵明為彭

澤令郡遣督郵至軍吏白應束帶見之潛嘆曰我不能為五斗米折腰向鄉里小兒即日解印綬賦歸去來以遂其志

本傳

蘇秦謂楚王曰楚國之食貴于玉薪貴于桂



又云食玉炊桂

戰國策

東方朔言臣若無用宜棄捐無令

索長安米

本傳

魯肅以振窮士為務甚得他人歡心

三國志

周瑜為居巢長將數百人路過候肅併求資糧肅家有

困米各三千斛乃指一困與瑜瑜益知其奇也遂相親

結僑札之分

本傳

吳全琮父柔為桂陽守使琮齎米數千

斛至吳交陽琮皆振給士大夫空船而還柔奇之

本傳

王

修齡貧乏陶胡奴為烏程令送米一船答曰王修齡饑

自就謝仁祖索食不須陶胡奴送米

世說

齊劉懷惠為齊

郡守人有餉新米一斛者懷惠出所食麥飯示之曰食

有餘幸不煩此

同上

梁張率為新安太守遣家僮載米三

十石還宅及至遂耗其半率問其故答曰鼠雀耗率笑

曰壯哉鼠雀不問

梁書

庾詵嘗乘舟從山舍還載米百

五十石有人寄載三十石至宅寄載者曰君三十石我

百五十石詵默然不辨恣其取足

世說

沈約少貧于宗黨

得米數百斛為宗人所侮覆米而去及貴不以為憾

梁書

唐太宗貞觀初戶不及三百萬絹一疋易粟一斗至四

年斗米三四錢人行數千里不齎糧

本紀

顏魯公乞米於

李大夫帖云拙於生事舉家食粥而已實用憂煎

法帖

陽

城嘗絕糧遣奴求米奴以米易酒醉卧于路城與弟迎

之奴未醒乃負以歸及覺痛咎謝城曰寒而飲何害焉

本傳粟武王發鉅橋之粟

武成

武王平商天下宗周伯夷叔

齊恥之義不食周粟隱於首陽山采薇而食

史記

鄭饑而

未及麥民病子皮以子展之命餽國人粟戶八鍾

左傳

晉

薦饑乞糴于秦秦輸粟于晉自雍及絳命之曰汎舟之

役

左傳

鄒穆公有令食鳧雁者必以秕無敢以粟鳧雁無

食而以一石粟易一石秕其費甚矣請以粟食之公曰

非爾所知也夫百姓餉牛而耕曝背而耘勤而不敢惰

者豈為鳥獸食哉粟米人之上食也奈何其以養鳥汝

知小計而不知大害

韓非子

子華使於齊冉子為其母請

粟原思為之宰與之粟九百辭子曰毋以與爾鄰里鄉

黨乎

論語

李桓子以粟十鍾餼夫子受而頒諸門人之無

者子貢曰季孫以夫子之貧也而致粟今而施矣乃厥

意乎子曰吾受而不辭為季孫之惠受而惠非一人不

亦宜乎

家語

子思居貧其友有饋之粟者受二車焉或獻

以樽酒束修子思曰為費而不當也或曰子取人粟而辭酒是辭少而受多于義無名于分則不全行之何也子思曰然彼不幸而貧至於困乏懼絕先人之祀夫所以受粟焉周之也酒脯所以飲燕也方為食而飲燕非義也度義而行之可也

家語

北郭騷見管子託以養母管子

分食粟府金以遺之騷辭金受粟

管子

莊周往貸米于監

河侯曰諾吾以金貸子周忿然作色曰若乃言不如索

我於枯魚之肆矣

莊子

高平王遣使者從魏文侯貸粟文

侯曰須吾租粟至乃可也使者曰如魚張口待水止呼

吸間若待決淮河之水必求吾於枯魚之肆矣

說苑

田釐

子乞為齊大夫收賦稅於民以小斗受之其粟予民以

大斗行陰德于民由此得齊衆心田乞卒子常立復修

釐子之政以大斗出貸以小斗收齊人歌之

惠子

有任氏

為倉吏秦敗豪傑爭取金玉任獨窖倉粟楚漢相距榮

陽民不得耕其米湧貴是時豪傑金玉已盡任氏以粟

起富

史記

酈食其說高祖曰敖倉天下輸轉久矣可急據

敖倉之粟

本傳

炎漢之興七十餘年太倉之粟陳陳相因

充溢露積於外至腐敗而不可食

食貨志

淮南王死民歌

曰一斗粟尚可舂兄弟二人不相容

本傳

晁錯建策令民

入粟塞下拜爵

漢書

晁錯說文帝曰方今之務莫若使民

務農欲民務農在于貴粟貴粟之道在于以粟為賞罰

令天下入粟縣官得以拜爵除罪

本紀

武帝末年悔征伐

之事下詔以趙過為搜粟都尉

本紀

武帝建元四年天雨

粟宣帝地節三年長安雨黑粟又南陽山都縣天雨粟

色青黑味苦大者如小豆小者如麻子

古今注

河內失火

上使汲黯視之還報曰河內水旱或父子相食臣謹發

河內倉粟以賑貧乏

本傳

東方朔曰侏儒長三尺餘俸一

囊粟錢三百四十臣朔長九尺餘亦一囊粟錢三百四

十侏儒飽欲死臣朔饑欲死也

漢書

諸葛亮聞孫恪代位

以書與陸遜曰家兄年老而性疎今使典糧穀糧穀者



軍之最要也僕在遠切用不安

江表傳

### 雜著

杜子美稻畦詩秋菰成黑米精鑿儲白餐精鑿出左傳  
粢食不鑿謂治米使白也

詩話

杜詩云玉粒足晨炊紅鮮

任霞散紅鮮言飯紅潤之色又收稻詩云紅鮮終日有  
玉粒未吾慳今有一種紅米即此謂也

詩話

### 賦咏祖

### 五言散句

故人供飯米

瘦地翻宜粟

杜甫

乞米助鎖鑰

荆公

七言散句

烏鵲苦肥春粟菽

少陵

五言古詩

舉家鳴鵲雁突冷無晨炊大貧丐小貧安能不相嗤幸

存顏氏帖況有陶公詩乞米與乞食皆是前人為

梅堯臣

米于如晦

七言古詩

臘中儲蓄百事利第一先春年計米羣呼步碓滿門庭  
運杵成風雷動地篩勻箕健無粃糠百斛只費三日忙  
齊頭圓潔箭子長隔離耀日雪生光土釜瓦甕分益藏  
不蠹不腐常清香去年薄收飯不足今年頑頑炊白玉  
春耕有種夏有糧接到明年秋刈熟鄰叟來觀還嘆嗟  
貧人一飽不可賒官租私債紛如麻有米冬春能幾家

范石湖  
冬春行

有虞有宋雙重華兩聖一心民一家綠秧刺水農事起  
重華愁旱從此始黃雲登塲萬寶秋重華對天失却愁  
二十八年臨玉座大半光陰愁裏過天顏有喜丞相知  
常平使者陳便宜倡為社倉首建溪時江吳闕承君師  
伯霜仲雪發爾私支奇虐魑手莫施活幾振子幾涼黎  
詒子又孫孫又子个是重華聖人意無論十世千百世

誠齋題  
社倉

七言古詩散聯

先生結髮憎俗徒閉門不出動一紀至今鄰僧乞米送

僕忝縣令能不恥

韓文公  
贈盧同

七言絕句

虛同不出憎流俗我卜郊居避俗憎同有鄰僧來乞米

我今送米乞鄰僧

介甫

麥

事實祖

碎錄

麥小麥也半大麥也

廣雅

麥有大麥小麥穰麥蕎麥四種

大麥久食令人肥白滑肌膚為麴勝小麥無燥熱

本草於

皇來年將受厥明明昭上帝迄用康年

頌臣

我行其野

苽苽其麥

載馳

麻麥蒙蒙

雅

禾麻菽麥

詩七

稂稊穠麥

閔宮

季春天子乃為麥祈實

月令

孟夏麥秋至

月令

孟夏之月農

乃登麥天子乃以粢嘗麥先薦寢廟

月令

今夫粢麥播種

而耰之

孟

止人當新麥初熟取以炒乾磨為粗麴而乾

食之禮部韵作麴

孟治反

注糗也今大内當麥熟時以黃

羅帕封賜百官其外題曰麪或云以蜜漬食尤佳

坡詩注

### 紀要

思文后稷克配彼天貽我來牟帝命率育周頌箕子朝周

過故殷墟見而傷之作麥秀之詩以歌咏之曰麥秀漸

漸兮苗黍油油

史記

夏四月鄭祭足帥師取溫之麥

左傳晉

侯夢大厲公覺召桑田巫曰不食新麥矣六月晉侯欲

麥使甸人獻麥饋入為之召桑田巫示而殺之將食張

如廁陷而卒

同莊

八年冬大無麥禾

春秋

春秋他穀不書

至于麥禾不成則書之以此見聖人于五穀最重麥與

禾也

前食貨志

宓子賤為單父宰百姓化之齊人攻魯道由

單父單父父老請曰麥已熟矣今齊寇至人人自收不

及請放民皆使出穫可以益糧且不資寇宓子賤不從

曰今茲無麥明年可植若使不耕者得穫是使民樂有

役也季孫聞之報

家語

光武自薊東南馳至南宮遇大風

雨帝引車入官舍馮異進麥飯

史

張堪為漁陽太守勸

民耕種以致殷富百姓歌曰桑無附枝麥秀兩岐張公



為政樂不可支

後漢書

漢成帝時童謠云小麥青青大麥

枯誰當穫者婦與姑丈夫何在西擊胡

同上

高鳳勤學妻

嘗之田曝麥于庭以竿授鳳令護雞受竿誦讀如故天

忽雷雨麥漂去不知

東觀漢記

孔文舉為北海相有遭父喪

哭泣墓側色無憔悴文舉殺之又有母病思食新麥家

無乃盜鄰熟麥而進之文舉聞之特賞曰不必來謝但

勿盜也盜而不罪者以為動于母哭父而見殺者以其

形悲而實否也

秦子

曹操經行麥中令士卒無敗麥犯者

死士皆下馬扶麥以行時曹操馬騰入麥中勅主簿議  
罪主簿對以春秋之義罰不加于至尊曹操曰制法而  
自犯之何以率下遂拔劍割髮以置地

魏志

孫權嘗饗蜀

使費偉偉停食餅索筆作麥賦恪亦請筆作磨賦咸稱

善

吳志

人有中麥毒夢紅裳娘子悲歌有一丸蘆服火吾

宮之句

小說

雜著

久旱傷麥秋種未下朕甚憂之

光武詔

賦咏祖

五言散句

麥天晨氣潤

文選

暖風抽細麥

麥壠多秀色

王僧達

細麥落輕花

杜甫

青熒陵陂麥

野多青青麥

山田麥無壠

麥黃韻鸛鴈

文粹

棗下麥青青

黃花入麥稀

文粹

崆峒小麥熟且願休王師

杜甫

金史卷二十一  
梅殘數點雪麥漲一溪雲

介甫

小興穿麥去狹徑碍桑田

不憂無餅餌已幸有襦裙

子由

細築塲無隙輕推磨有音

美田鈎盾裏躬稼麥秋餘

劉原父

但見古河東蕎麥如鋪雪

漫漫蕎麥花如雪覆平野

放翁

七言散句

麥芒如簞黍如烟

李賀

麥芒漲天搖青波

柳州

寒食離家麥熟還

王建

雪花漫漫麥將熟

放翁

割盡黃雲稻正青

介甫

似法陰爻呈六穗或符陽數效三岐

夏英公

期君正似種宿麥忍饑待食明年麪

子瞻

使麥長熟人不饑敢告吾君不須赦

石守道

穿鞋帶笠隨麥壠  
早日炎炎烟燎顏

晁元咎

蕎花著雨相爭秀  
棗類迎陽一半丹

孔毅父

夜來更下西風雪  
蕎麥稍頭萬玉塵

誠齋

旅程一見錯歡喜  
彷彿吾鄉茉莉花

鄭松窓養參

吳波亭下繫扁舟  
輕雨輕寒又麥秋

吳履齋

麥秋天氣朝朝變  
蠶月人家處處忙

盧贊元

五言古詩散聯

春寒風雨湮蠶麥  
止半熟耕桑未嘗親  
有穫敢求足

子由

青青已滿壠  
芄芄在伐柯  
農功欣嗣歲  
節物嗟騰波

劉原

父

五言律詩散聯

天行九五健  
歲取十千求  
洪洞開金仗  
連蜺按玉虬  
塵

清屬車豹  
搶密羽林騶

宋景文

七言古詩

大麥乾枯小麥黃  
婦女行泣夫走藏  
東至集壁西梁洋  
問誰腰鎌胡與羌  
豈無蜀兵三千人  
部領辛苦江山長

安得如鳥有羽翅托身白雲還故鄉

杜甫  
大麥

霜林老鴉閑無用畦東拾麥畦西種畦西種得青猗猗

畦東已作牛尾稀明年麥熟芒攢梁農夫未食鴉先啄

徐行俛仰若自矜鼓翅跳踉上牛角憶昔舜耕歷山鳥

為耘如今老鴉種麥更辛勤農夫羅拜鴉飛起勸農使

者來行水

東坡鴉  
種麥

去年麥不熟挾彈規我肉今年麥上場處處有殘粟豐

年無象何處尋聽取林間快活吟

東坡五  
禽言



打麥打麥彭彭魄魄聲在山南應山北五月太陽出東  
北才離海嶠麥尚青轉到天心麥已熟鷄旦催人夜不  
眠竹雞喚雨雲如墨大婦腰鎌出小婦具箱逐上壠先  
將青下壠已成束田家以苦乃為樂敢憚頭枯面焦黑  
貴人薦廟已嘗新酒醴雍容會所親曲終厭飫勞僮僕  
豈信田家不入唇盡將精好輸公賦次把升斗求市人  
麥秋正急又秧禾豐歲自少凶年多辛苦可奈何將此  
打麥詞兼作插禾歌

張芸  
叟

梅花開時我種麥桃李花飛麥叢碧多病經旬不出門  
東坡已作黃雲色腰鎌刈熟趁晴歸明朝雨來麥沾泥  
犁田待雨插晚稻朝出移秧夜食麩

范石湖

城南城北如鋪雪原頭家家種蕎麥霜時收歛少在家  
餅餌今冬不憂窄胡麻壓油油更香油新餅美爭先嘗  
獵歸熾火燎雉兔相呼置酒喜欲狂陌上行歌忘惡歲  
小婦紅粧穗簪髻詔書寬大與天通逐熟淮南幾誤計

陸放翁  
刈蕎麥

苦寒勿怨天雨雪來遺我明年麥三月翠浪舞東風  
四月黃雲時南陌坐看比屋騰歡聲已覺有司寬吏責  
腰鎌丁壯傾閭里拾穗兒童動千百玉塵出磨飛屋梁  
銀絲入釜須寬湯寒醅發劑炊麴製新麻壓油寒且香  
大婦下機廢農織小姑佐庖忘晚粧老翁飽食笑捫腹  
林下擊壤歌時康

陸放翁  
田家樂

大麥半枯自浮沈小麥刺水鋪綠針山邇老農望麥熟  
出門見水放聲哭去年泠泠七月雨秋苗不收一粒穀

金匱要略卷二十一  
只今米價貴如玉并日舉家纔食粥小兒索飯門前啼  
大兒雖瘦把鋤犁晴時種麥耕荒壠正好下秧無稻種  
張子  
湖

新穀未升陳穀罄窶人托麥以為命今年種麥如去年  
去年滿屋今空田吁嗟皇天毋乃戾去年浙右當死歲  
湘中死寇淮死兵留得東州僅旒綴只今艱食遽如斯  
豈是造物有乘除我無一語活四海對之泣下徒沾裾  
催租官吏如來濕里正打門急復急安得君眼如日長

灼破田翁簑與笠

陳寶窓

七言古詩散聯

少年食稻不食麥老居潁川稻不足人言小麥勝西川  
雪花出磨煮成玉冷淘槐葉冰上齒湯餅羊羹火入腹

子由

場頭雨乾場地白老翁相呼打新麥半歸倉廩半輸公

免教縣吏相催迫

張文潛

七言絕句

舍西柔桑葉可拈江邊細麥復纖纖人生幾何春已夏  
不放香醪如蜜甜少陵

麥風翻隴潑濃綠花露滴枝粘老紅小立樓頭檢春事

一絲暖日墜青蟲危逢吉

無邊綠錦織雲機全幅青羅作地衣个是農家真富貴

雪花銷盡麥苗肥識齋麥田

黃金割露幾有歸紫玉炊香一飽肥却喜麥田成晚稻

未教水牯卧斜暉放翁

七言八句

貽牟夙昔但聲歌今見郊園樂事多且喜甌窶符善禱

未須蘆服顰

去聲

妖娥霞觴政自誇真一香鉢何須問畢

羅我欲買牛來學稼不知還許受塵磨

朱文公

田家望麥在須臾何啻中流濟一壺黑雨漫天殊未已

黃雲委地不堪扶禽聲快活真成誤鳩婦流離空自呼

亦笑此翁長負腹又尋杞菊誑齋盂

方秋崖

樂府祖

金匱方  
卷二十一  
滿庭芳

麥隴如雲清風吹破夜來疎雨纔晴滿川烟草殘照落  
微明縹緲危欄曲檻遙天盡日脚初平青林外叅差暝  
靄縈帶遠山橫孤城春已過綠陰是處時有鶯聲問  
洛絮游絲畢竟何成信步蒼苔繞徧真堪付閑客閑行  
微吟罷重回皓首江漢渺遺情

葉少  
蘊

全芳備祖後集卷二十一



欽定四庫全書

全芳備祖後集卷二十二 宋 陳景沂 撰

農桑部

豆

事實祖

碎錄

菽者豆之總名

物理志

大豆菽也小豆荅也豆角謂之荚

其葉謂之藿

廣雅

其豆莖也

說文

采菽采菽筐之筐之 七

月烹葵及菽

禾麻菽麥

並詩

使有菽粟如水火

孟子

紀要

桓公北伐山戎菽編布天下

管子

子路曰傷哉貧也生無

以為養子曰啜菽飲水盡其歡斯之謂孝

檀弓

王郎起兵

光武自薊東南馳晨夜草舍至蕪婁亭時天寒烈衆皆

饑疲馮異上豆粥明旦帝謂諸將曰昨得公孫豆粥饑

寒俱解後帝即位使中黃門賜以珍寶詔曰倉卒蕪婁

亭豆粥滹沱河麥飯厚意久未報

本紀

楊惲與孫會宗曰

臣之得罪已三年矣田家作苦歲時伏臘烹羊炰斗酒  
自勞家本秦也能為秦聲婦趙女也雅善鼓瑟奴婢歌  
者數人酒後耳熱仰天拊缶而呼嗚嗚其詩曰田彼南  
山蕪穢不治種一頃豆落而為箕人生行樂耳須富貴  
何時本傳閔仲叔太原人與周黨相友黨每過仲叔共舍  
菽飲水亦無菜茹東觀漢記魏陳思王曹植字子建文帝同  
母弟也不嘗令七步中作詩不成者行大法應聲成詩  
曰煮豆作豆羹漉菽以為汁其在釜下燃豆作釜中泣

本是同根生相煎何太急

魏志

劉平嘗為餓賊所刦叩頭

曰老母饑少氣力恃平為命願得還飯食母馳來就死

涕泣發于肝胆賊即遣去乃撫三斗豆以謝賊

孝子傳

趙

達善美使人取小豆數升播之席上立知其數

方術傳

郭

璞至廬江愛主人婢無由而得乃取小豆三升繞主人

舍散之主人晨見赤衣人數十圍其家就視則滅甚惡

之請璞為卦璞曰君家不宜畜此婢可于東南二十里

賣之慎勿爭價則此祟可除主人從之

本傳

石崇作萍蘆

豆粥咄嗟而辦

晉書

石勒諱胡凡有胡名皆改胡餅曰麻

餅胡綏曰綏胡豆曰豆

郭中記

雜著

孟秋嘉菽垂枝從英是刈是穫充筐盈筐

張翰豆羹賦

賦咏祖

五言散句

豆子雨已熟

杜甫

宿雨飽豆英

放翁

敢辭茅葦漏已喜黍豆高

少陵

七言散句

南山豆苗早荒穢青門瓜地新凍裂

白氏集

道邊籬落闕遮眼白白紅紅扁豆花

誠齋

碧絲高壓涎滑萼脆响平欺辛螯蟬

方秋崖

五言古詩

種豆南山下草盛豆苗稀晨興理荒穢帶月荷鋤歸道

狹草木長夕露沾我衣沾不足惜但使願無違

淵明

弱年逢家乏老至更長饑菽麥實所羨孰敢慕甘肥怒

如思無飯當暑厭寒衣歲月將欲暮如何辛苦悲常善  
粥者心深恨蒙袂非嗟來何足吝徒沒空自遺斯濫豈  
彼志固窮夙所歸餒也已矣夫在昔余多師

淵明

五言古詩散聯

相攜行豆田秋花藹霏霏子實不得喫貨市送王畿盡  
添軍旅用迫此公家威

少陵

七言古詩

君不見滹沱流澌車折軸公孫倉皇奉豆粥濕薪破竈

自燎衣饑寒頓解劉文叔又不見金谷敲冰草木春帳  
下烹煎多美人萍蘆豆粥不傳法咄嗟而辦石季倫干  
戈未解身如寄聲色相纏心已醉身心顛倒自不知更  
識人間有真味豈知江頭千頃雪色蘆茆簷出沒晨烟  
孤地確舂杭光似玉沙瓶煮豆軟如酥我老此身無著  
處賣書來問東家住卧聽雞鳴粥熟時蓬頭曳履君家

去  
東坡  
豆粥

七言八句



翠英中排淺碧珠甘欺崖蜜軟欺酥沙瓶新熟西湖水  
漆櫚分嘗曉露腴味與櫻桃三友益名因蠶繭一絲絢

老夫稼圃方雙學譜入詩中當稼書

誠齋  
蠶豆

桑  
麻附

事實祖

碎錄

女桑積桑壓桑山桑

爾雅

遵彼微行爰求柔桑

七月

蠶月條

桑取彼斧斨以伐遠揚

同上

桑之未落其葉沃若

氓

維桑

與梓必恭敬止

并小

星言夙駕說于桑田

定之方中

無踰我牆

無折我樹桑

將仲子

食我桑椹懷我好音

泮水

桑土既蠶

禹貢

厥篚縈絲

同上

其亡其亡繫于苞桑

否卦

五畝之宅樹之以

桑五十者可以衣帛矣

孟子

季春之月命野虞無伐桑柘

鳴鳩拂其羽戴勝降于桑具曲植遽筐后妃齊戒親東

鄉躬桑禁婦女無觀省婦使以勸蠶事蠶事既登分繭

稱絲効功以共郊廟之服無有敢惰

月令

古者天子諸侯

必有公桑蠶室近川而為之築宮仞有三尺棘牆而外

閉之卜夫人世婦之吉者使入甕室奉種浴于川桑于

公桑風戾以食之

注戾燥也  
蠶性惡濕

歲既單矣世婦奉蠶繭

以示于君遂獻繭于夫人

祭義

宅不毛者有里布

注

謂不

植桑麻也欲令宅植桑麻則無稅賦以勸之不植桑麻

之毛者則罰以二十五家之稅布

周禮

麻枲麻廢枲實廢

子麻毋

爾雅

有倉麻有緝麻二種

草木記

仲秋之月天子乃

以犬嘗麻先薦寢廟

月令

天子居總章服白玉食麻與犬

上蓬生麻中不扶自植

紀要

伊尹生于空桑

列子

晉公子重耳出奔齊桓公妻之將行

舅犯等謀于桑下蠶妾在上聞之以告姜氏姜氏殺之

謂公子曰子有四方之志其聞者吾殺之矣

左傳

趙宣子

田于首山舍于翳桑見靈輒餓曰不食三日矣為攜簞

食與肉實諸橐以與之既而與為公介倒戟以禦公徒

而免之問何故曰翳桑之餓人也問其姓名不告而去

遂自亡也

同上

晉文公會欲伐衛公子鉏仰而笑公問之

曰臣之鄰人有送其妻適私家者道見桑婦悅而與言

然顧其妻亦有招之者矣臣竊笑此公悟其言引師還

未至而有伐其壯鄙者

列子

子產開畝植桑鄭人訾謗

韓非

鄒魯濱洙泗猶有先生之遺風其民頗重桑麻之業

史記

貨殖傳

齊帶山環海膏壤千里宜桑麻與千戶侯等

同上齊

宿瘤女東隣採桑之女項有大瘤閔王遊至東都百姓

盡觀宿瘤女採桑如故王怪問之對曰受父母教採桑

不受教觀王王曰此奇女悅而聘迎之

列女傳

吳公子光

伐楚拔居巢鍾離初楚邊邑卑氏之處女與吳邊邑之女爭桑二女家相怒喧兩國楚邊邑長聞之怒而攻吳之邊邑吳王怒遂伐楚兩都

國語

魯秋胡子納妻五日而

宦于陳後歸未至家見路旁有美婦方採桑秋胡悅之下車願托桑陰下婦人採桑不顧胡曰力田不如逢年力桑不如見郎今吾有金願與夫人而婦人不受胡乃歸母呼其婦乃向採桑者也數胡之罪而自投于河

列女

傳邯鄲有美女姓秦名羅敷為邑人王仁妻仁後為趙

王家令羅敷出採桑于陌趙王登臺見而悅之因飲酒欲

奪焉羅敷善彈箏作陌上桑之歌以自明

崔豹古今注

晉大

夫使于宋過陳遇採桑之女止而戲曰女為吾歌吾將

告女女乃歌曰墓門有棘斧以斯之夫也不良國人知

之

晉書

漢魯恭為中年令雉馴于桑下

後漢書

蔡君仲汝南

人至孝王莽亂人相食君仲取桑椹赤黑異器賊問仲

仲答曰黑者供母赤者自食賊義之遺鹽二斗

同陳留

申屠蟠恥無義士遂閉門養志蓬戶菜室依大桑樹以

為棟梁

漢書

汝南尹昆為陰縣功曹令新到官問曰園中

有桑以食蠶何如昆曰非初至所當務

謝承後漢書

蜀先主

舍東南角有桑高丈餘遙望如小車蓋先主曰吾必當

乘此羽葆車蓋叔父曰勿妄言以滅吾門

蜀志

龐士元師

事司馬德操不矜少名衆莫知之德操蠶月躬採桑後

園士元助之因與談世廢興其言如神遂移日忘餐德

操于是異之

三國志

齊太祖在武進其宅有大桑樹高三

丈橫出四枝如車蓋太祖年數歲遊于下從兄謂之曰



此桑為汝生也

北史

諸葛公自表後主曰成都有桑八百

株薄田十五頃弟子衣食自有餘饒臣死之日不使內

有餘帛外有餘財以負陛下

本傳

何祗夢桑生井中趙直

占曰桑字四十八君壽不過此矣果然

史

尉遲敬德贊

曰桑蔭未徙而大功立

本傳

李襲譽嘗謂子弟曰吾負郭

有田十頃耕之足以食河內千株桑蠶之足以衣吾歿

後能勤此無資于人矣

本傳

雜著

綠葉興而盈尺崇條蔓而增尋

陸機  
桑賦

黝之桑柘

文選

土地

平曠有良田美池桑竹之屬

桃源  
記

桑麻以衣之

仲舒  
策

賦咏祖

五言散句

桑柘起寒烟

謝朓

蠶眠桑葉稀

王維

桑麻深雨露

杜甫

桑柘綠如雲

太白

春桑低綠枝

桑柘羅平蕪

宅邊有桑葉

張籍

吳地桑葉綠三眠麥正熟

太白

桑柘葉如雨飛藿共徘徊

少陵

秦地羅敷女採桑綠水邊

太白

二月起蠶事伐桑又阻饑

聖俞

隴上麥頭昂林間桑子落

東坡

兩淮蠶濕地不復長桑芽

後村

到底農桑好營營愧此生

履齋

力勤及黍稷得種麥與麻

少陵

煖分煨芋火明借緝麻燈

禹錫

七言散句

舍西柔桑葉可拈

少陵

野蠶食葉還成繭

張籍

一村桑柘一村烟

繅成白雪桑重綠

王安石

自斷此生休問天杜曲幸有桑麻田

少陵

麥隴雪苗寒剌剌柘林霜葉暮颼颼

唐子西

桑間樵熟麥齊腰鶯語惺忪野雉驕

張文潛

隔籬犬吠窺人過滿箔蠶饑待葉歸

洲中未種千頭橘宅畔先栽百本桑

張芸叟

中分邪斷道遙橫枝榦雖枯葉尚榮

林君復

雨足人家插稻秧蠶桑鄰女採桑忙

李商隱

桑柘村村烟樹濃新秧刺水麥梳風

劉改之

知是人家蠶事未路傍桑葉小如錢

趙紫芝

莫道春隨風雨過化工昨夜到桑麻

王潛齋

轉蕙風吹楔亭竹採桑日照女筐繁

趙庸齋

二月人家蠶事早屋頭先辦採桑梯

何小村

五言古詩

代耕本非望所業在田桑躬親未曾替寒餒嘗糟糠  
豈期遇滿腹但願飽粳糧御冬足大布粗絺以應陽正爾  
不能得哀哉亦何傷人皆盡獲宜拙生失其方理也可

奈何且為陶一觴

淵明

種桑長江邊三年望當採枝條始欲茂忽值山河改柯

葉自摧折根株浮滄海春蠶既無食寒衣欲誰待本不

植高原今日復何悔

淵明

日出東南隅照我秦氏樓秦氏有好女自名為羅敷羅  
敷喜蠶桑採桑城南隅青絲為籠繩桂枝為籠鉤觀者  
見羅敷下擔捋髭鬚少年見羅敷脫巾著帩頭耕者忘  
其耕鋤者忘其鋤使君從南來五馬立踟躕羅敷年幾  
何二十尚未滿十五頗有餘使君謝羅敷寧可共載否  
羅敷前致辭使君一何愚使君自有婦羅敷自有夫東

方千餘騎夫婿居上頭何以識夫婿白馬從驪駒青絲  
繫馬尾黃金絡馬頭腰中鹿盧劍可直千萬餘十五府  
小史二十朝大夫三十侍中郎四十專城居為人潔白  
皙鬢鬢頗有鬚盈盈公相步冉冉府中趨坐中數千人

皆言夫婿殊

羅數

洛陽城東路桃李生路傍不知誰家子提籠行採桑纖  
手折其枝花落何颺颺高秋八九月白露變為霜終年  
會飄墜安得久馨香何時盛年去惟愛永相忘吾欲竟



此曲此曲愁人腸歸來酌美酒挾瑟上高堂

後漢宋子侯

野外罕人事窮巷寡輪鞅白日掩荆扉虛室絕塵想時  
復墟曲中披草共來往相見無雜言但道桑麻長桑麻  
日已長土物日已廣常恐霜霰至零落同草莽

淵明

游女湘綺衣春還務蠶作五馬似花飛青絲結金絡不  
知誰家子調笑來相諠妾本秦羅敷玉顏艷名都絲條  
映素手採桑向城隅使君且不顧況復論秋胡寒蛩愛  
碧草鳴鳳栖青梧託心自有處但怪傍人愚徒勞白日

金少府  
卷二十二  
暮高駕空躊躇

李白陌上桑

出自薊北門遙望湖池桑枝枝自相值葉葉自相當春  
色映空來先發院遶梅寄語採桑伴訝今春日短枝高  
扳不及葉細籠難滿

梁簡文帝

桑女不勝愁結束下青樓逐伴向前路相攜南陌頭蠶  
饑日已暝詎為使君留

梁劉遜

賤妾愚不堪採桑渭城南帶減連枝瘦髮亂鳳皇夢無  
由報君信流涕餉春蠶

今日開和景處處動春心桂窻須葉滿息倦重枝陰

梁王

臺卿

溪橋接桑畦鉤籠曉羣過今朝去何早向晚疑蟲恐餓

王文

公

五言絕句

向曉攜籠去桑村路隔淮何如鬪百草歸取鳳皇釵

鄭谷

地僻柴桑古人亡松菊存不如彭澤吏歸去有田園

毛達可

七言古詩

朱城璧月啓朱扉青樓含照本暉暉遠映陌上春桑葉  
斜入秦家綉綺衣羅敷粉粧能佳麗鏡前新梳倭墮髻  
圓籠裊裊挂青絲纖鈎冉冉勝丹桂蠶饑日晚暫生愁  
忽逢使君南陌頭五馬停騎遣借問雙臉含嬌特好羞  
妾壻府中經小吏郎今來往專城裏欲識東方千騎歸

謁謁日暮紅塵起

陳徐伯

晴采桑雨采桑田頭陌上家家忙去年養蠶十分熟蠶

娘只著麻衣裳

鄭菊山

七言絕句

夾岸瀕河種柳桑春風吹出萬條長  
船行老眼渾多忘

喚作西湖柿拒霜

誠齋

樂事新年憶錦城城南麻市試春行  
如今老病茅簷底

卧聽兒童嚇雀聲

放翁聞隣村守麻

樂府祖

憶秦娥

著春衫玉鞭鞭馬南城南南城南  
柔桑軟草留住金銜

粉娥采葉供新蠶  
蠶饑略許攜纖纖  
攜纖纖前裙淇

上更待初三

賀方回

錦纏道

雨過園林觸處落紅凝  
綠正桑葉齊如沃  
嬌羞只恐人

偷看背立牆陰慢展纖纖玉  
聽鴉啼幾聲耳邊相促

念蠶饑四眠初熟  
勸路傍立馬莫踟躇  
是那裏唱道秋

胡曲

全芳備祖後集卷二十二

欽定四庫全書

子部

全芳備祖後集卷二十三  
四

詳校官中書<sub>臣</sub>竇汝翼

主事<sub>臣</sub>祁韻士覆勘

總校官庶吉<sub>臣</sub>朱 鈐

校對官助教<sub>臣</sub>卜維吉

謄錄監生<sub>臣</sub>陸潮愈

欽定四庫全書

全芳備祖後集卷二十三 宋 陳景沂 撰

疏部

笋

事實祖

碎錄

笋一名竹萌一名弱竹一名筰一名篴一名竹胎一名

竹芽一名茁一名初篴

笋譜

穉龍穉龍玉版錦裯兒皆笋



名也

竹譜

鄠杜竹林號為陸海

漢書

紀要

尹吉甫作韓奕詩以美宣王能錫諸侯其三章云韓侯  
出租顯父餞之清酒百壺其藪惟何維笋及蒲

詩

孟宗

性至孝母卒冬節將至宗乃入林哀泣笋為之生得以

供祭

本傳

晉劉殷年九歲為曾祖母冬思笋殷泣而獲供饋

本傳宋沈道慶隱居武康人有拔屋後笋令人止之曰惜

此笋欲成林更有佳者相與乃令人買大笋送與之盜

者慚不取置其門內而還

本傳

何隨人有盜其園笋隨見

挈屐而歸恐盜者見也

華陽國志

范元琰家有竹園每見人

盜笋苦於過溝元琰伐樹為橋與盜者遇盜者感琰情

而息意不盜

本傳

漢人有適吳吳人設笋問是何物曰竹

也歸煮其牀筴而不熟乃謂其妻曰吳人輒輓欺我如

此

笑林

唐夏侯彪之上新繁令問里胥曰笋一莖幾錢曰

一錢五莖取十千置五萬莖謂之曰吾未要且寄林中

養之至秋竹成一竿千文遂成五千萬貪猥不道皆此

類

傳

孟氏有蜀時翰林學士徐光溥劉侍郎義叟分直

忽覩庭中笋迸出徐因題之劉性多譏誚徐託土本是

蜀人詩成二人從此不睦

廣政錄

蘇東坡云文與可嘗令

余作質簪谷詩予詩云漢川修竹賤如蓬斤斧何曾赦

穉龍料得清貧饒太守渭川千畝在甬中與可是日與

其妻游谷中燒笋晚食發函得詩失笑噴飯滿案

質簪谷記

東坡嘗邀劉器之同叅玉版和尚器之每倦山行間叅

玉版欣然從之至景廉寺燒笋而食器之覺笋味勝問

何名也東坡曰名玉版也此老師善說法要能令君得  
禪悅之味于是器之乃悟其戲為之大笑

冷齋  
夜話

### 雜著

麻油薑皆殺筍毒凡食筍之要譬若治藥修煉得法則  
益人反是則損採筍之法可避露日出後掘深土取之  
半折取鞭根旋得投密竹器中以油單覆之勿令見風  
風吹旋堅以巾帕拭土又不宜見水含殼沸湯淪之煮  
宜久生必損人苦筍最宜久甘筍出湯後去殼澄煮筍

汁為羹茹味全嘉美不然蒸最美味全燂灰中煨後入五味尤佳採笋一日曰蒿二日曰莢見風則堅入水則硬脫殼煮則失味生著及則失柔採而停久非鮮也盛而苦風非藏也採之脫殼非治也淨之入水非洗也蒸煮不久非食也如此然後可與語食笋矣此外不足美也

僧贊寧  
笋譜

僧贊寧為笋譜甚詳其摘摭古人詩咏自梁

元帝至唐楊師道皆詩中言及笋者非專為題咏也惟孟蜀時徐光溥等二人詩句乃在笋譜退之和侯協律

二十六韻獨不見收何耶

塵史

賦咏祖

五言散句

岸笋開新箨

李白

綠垂風折笋

少陵

春笋滿林生

杜甫

年年饌箨龍

晦翁

穉子脫錦棚駢頭香玉滑

破臘初挑筍誇新欲比瓊

聖俞

寶地琉璃折紫苞琅玕踴

元稹

七言散句

更容一夜抽千尺別却池園數寸苔

長吉

無情有恨何人見露壓霜催千萬枝

池上龍蛇驚蟄起軍中矛戟曉營看

劉原父

笋便落林猶勝肉蕨纔出土更饒油

楊誠齋

便令剝錦煮金玉甘脆不道簞瓢空

聖俞

鄰里亦知偏愛竹春來相與護龍雛

東坡

五言古詩

此州乃竹鄉春筍滿山谷山夫折盈把抱來早市驚物  
以多為賤雙錢易一束置之炊甑中與飯同時熟紫箨  
拆故錦素肌擘新玉每日遂加餐經時不思肉久為東  
洛客此味常不足日食勿踟躕南風吹作竹

香山

洛下花竹笋花時壓畦菜一束酬千金掉頭不肯賣我  
來白下聚此族富庖宰重粟戴地翻穀赫觸牆壞鹹鹹  
入中厨如償食竹債甘藟和茵甘辛膳腴薑芥烹鷄雜  
肢掌炮鱉亂裙介小兒哇不美鼠壤有餘噉可貴生於



少古米食共噫尚想高將軍五溪無人采

山谷  
四首

止饌厭羊酪南庖豈笋菜自北初落南幾為兒所賣習  
知價廉平百態事烹宰鹽晞胎脂瘦蜜漬與味壞就根  
煨茁美豈念炮烙債咀吞千畝餘胸次不薑芥二妙吾  
能詩才名動江介論詩多佳句膾炙甘我噉思君因養  
竹萬籟聽秋噫從此繕藩籬下令禁魚采

韭黃照春盤菰白媚春菜為此蒼竹苗市上三時賣江  
南家家竹剪伐誰主宰半以苦見疎不言甘易壞筠陂

雌龍睡未索兒孫債懶膽能分杯虎魄好拾芥此物于  
食餽如客得儉介思入帝鼎烹忍遭饑涎噉懶牀供翰  
墨砧杵風號噫每下嘆枯枝焚如落樵采

人笑庾郎貧滿腹飯寒菜春盤食指動笋出入市賣回  
首萬錢厨不羨廊廟宰民生暫神奇胞膈伐蛙壞忍持  
芭蕉身多負牛羊債籜龍不稱冤易致等拾芥蕭蕭烟  
雨姿壯士持戈介駢頭沸鼎烹可口垂涎噉霜叢負後  
彫玉食香餘噫續詩無全功封非倘可采

飽食有殘肉饑食無餘菜紛然生喜怒似被狙公賣邇

來誰獨覺凜凜白下

太和古  
白下

宰一飯在僧家至樂甘不

壞多生味蠹簡食笋乃餘債蕭然映樽俎未肯雜松芥

君看霜雪姿童穉已耿介何為遭暴橫三嗅不忍噉朝

來忽解穽勢迫風雷噫尚可餉三閭飯筒纏五采

東坡  
次韻

久客厭北饌枵然思南烹故人知我意千里寄竹萌駢

頭玉嬰兒一一脫錦裯庖人應未識旅人眼先明我家

折厨膳羶肉毛蕪菁送與江南客燒煮配香粳

東坡送  
笋與公

擇

竹君家多材楚楚皆席珍成竹著錦袍玉色映市人惠  
然集吾字老眼簷光新麴生亦稱賀共慰藜藿貧不待  
月與影一人亦相親可憐管城子頭禿事苦辛按譜雖  
同宗聞道隔幾塵詩成聊使寫一笑驚比隣

陳簡齋

五言古詩散聯

竹林吾最惜新笋好看守方籜包龍兒攢迸溢林數吾  
眼恨不見心腸痛如搗宅錢都未還債利日月厚籜龍

正稱冤莫殺入汝口丁寧囑託汝汝活釋龍舌

盧仝寄男抱孫

此君耐歲寒小友極風味相思如調饑熟可當饗餼

王右

丞

久約燒林笋何年會勝園久嘗新氣味每厭供盤餐漸

痛烟犀老方憐露錦繁

穆伯長

園客自偷賣主人那能知徒令養新笋旋抽五六枝

張元

盡

兒童纔半角兵衛忽森戟十日不汝見尋丈出咫尺

陳止

翁

五言絕句

修修江上林白日暗風雨下有萬玉蚪三冬卧寒士

晦翁

南山春笋多萬里行枯腊不落盤餐中今知綠如簪

晦翁

五言八句

叢林真百丈法嗣有橫枝不怕石頭落同叅玉版師聊

憑栢樹子與問籜龍兒瓦礫猶能說此君那不知

東坡

五言排律

竹亭人不到新笋滿前軒乍出真堪賞初多未覺煩成  
行齊婢僕環立比兒孫驗長常攜手愁乾屢側盆對吟  
忘膳飲偶坐變朝昏滯雨膏腴濕驕陽氣候溫得時方  
張王挾勢欲騰騫見角牛羊沒看皮虎豹存攢生猶有  
隙散布忽無垠詎可持籌笑誰能以理言縱橫公占地  
羅列暗連根狂劇時穿壁羣強幾觸藩深潛如避逐遠  
去若追奔始訝妨人路還驚入樂園萌芽防寢大覆載  
莫偏恩已覆侵危砌非徒出短垣身寧虞瓦礫計擬揜

蘭蓀直歎高無數，庸知上幾番短長。終不較先後竟誰  
論，外恨包藏密中仍節目繁。暫須移步履，要取助盤餐。  
穰穰疑翻地，森森競塞門。戈矛頭戢戢，蛇虺首掀掀。婦  
懦咨料理，兒痴謁盡髭。侯生來慰意，詩句讀驚魂。屬和  
才將竭，呻吟至欲暎。

韓文公和侯  
協律食笋

### 七言古詩

藜藿盤中忽眼明，駢頭脫襁白玉嬰。極知耿介種性別，  
苦節乃與生俱生。我見魏徵殊媚嫵，約束兒童勿多取。



人才自古要養成放使干霄戰風雨

放翁  
苦笋

江西猶笋未出尖雪中土膏養新甜先生別得煮簍法  
叮嚀勿用鹽與鹽岩下清泉須旋汲熬出霜汗生蜜汁  
寒牙嚼作冰片聲餘瀝仍和月光吸松羔楮雞浪得名  
不如來叅玉版僧醉裏何須酒解醒此羹一枕爽然醒  
大都煮菜皆如此淡處當知有味真先生此法未要傳  
為公作經藏名山

誠齋  
笋經

高人愛笋如愛玉忍口不餐要添竹云何又遣此輩來

昏花兩眼為渠開  
販夫束縛向市賣  
外強中乾美安在  
錦紋猶帶落花泥  
不論燒煮兩皆奇  
豬肝累人真可作  
以此累公終不惡

誠齋

金陵竹笋硬如石  
石猶有髓笋不及

關

市裏笋如酥

笋味清絕酥不如  
帶雨斲來和葶煮  
中含柘漿新甘露  
可齏可膾最可羹  
繞齒較較冰雪聲  
不須吮笋莫成竹

頻頻食笋莫食肉

誠齋  
煮笋

食蕨食臂莫食拳  
食笋食梢莫食根  
何曾萬錢方下箸

先生把菜亦飽去嶺南風物似江南笋如束薪蕨作藍

先生食籍知幾卷千巖萬壑皆厨傳

誠齋

使君喜食笋脯味全勝肉秘法不肯傳閉門課私僕君  
不見金谷饌客本萍蓬豪世藉此真成痴但令長鬚日

致饋不敢求君帳下兒

張于湖  
謝南軒

笋脯登吾盤可使食無肉鮭腥避三舍棕枲乃從僕書  
生長有十甕藿却笑虎頭肉相痴得君新法也大奇且

復從遊錦棚兒

于湖謝  
笋脯方

齋厨日蕭條晚食以當肉公來共蔬盤留詩輒更僕平  
生懲沸仍吹壺欲了官事渠能癡何時竟作淮南歸擊  
鮮較獵從廬兒

再和  
答

七言古詩散聯

天與歲寒終崛強澤分淇澳轉敷榮狂鞭已逐草侵徑

疎影長隨月到楹

子  
由

偶然雷雨一尺深知有南園衆君子從地踊出似人長

一一便有凌雲氣

龍孫春吐一尺芽紫錦包玉離泥沙金刀璀璨截嫩節

銅錢不與大梁賒

劉原父

七言絕句

嫩籜香苞初出林於陵論價重千金皇都陸海應無數

忽剪凌雲一寸心

義山

昨夜春霞迸解根亂披烟籜出柴門穉川龍過應回首

認得青青幾代孫

南園初笋味勝肉籜龍稱寃莫採錄煩君更致蒼玉束

明日風雨吹成竹

山谷喫苦笋

長沙一月煨鞭笋鷓鴣洲前人未知走送相公助湯餅

貓頭突兀想穿籬

山谷貓頭笋

徐徐出土非人種枝葉難投日月壺為是姻緣生此地

從來長養譬如無

徐光溥

迸出斑犀數十株更添幽景向蓬壺未成似有凌雲勢

用作丹梯得也無

劉義叟

數里春畦獨自尋迸犀抽錦亂森森田文死去賓朋散

金史四十一  
拋擲三千玳瑁簪

王元之

卷二十三

一雷驚起穉龍兒，戢戢滿山人未知。急喚蒼頭斲烟雨，

明朝吹作碧參差。

朱韋齋

梅雨冥冥想已齊，連雲篁竹暗蠻溪。短萌解穉登雕俎，

錯落黃金騶裊蹄。

朱韋齋篁竹竹，惟建上有之。

長江縈繞地膏腴，風氣相連不甚殊。自是苦根分彼此，

致令苦笋勝宜都。

張元盡

七言八句

竹祖龍孫渭上居供儂樽俎半年餘斑衣戲綵春無價  
玉版談禪佛不如苦怨平生食無肉何如陋巷飯斯蔬  
不須庾韭元修菜喫到憎時始憶渠

楊誠齋都下食  
笋自十月至四月

炮鳳烹龍世浪傳猩脣熊掌我無緣但逢笋蕨杯盤日  
便是山林富貴天穉子玉膚新脫錦小兒紫臂未開拳  
只嫌嶺外無珍饌一味香蔬不直錢

誠齋

此君乃有寧馨兒犀角豈盈玉不如老去烟姿元聳壑  
生來風骨已專車詩腸慣識狗頭笋食指寧知熊掌魚



莫遣匆匆萬竿綠一春心事正闌渠

方秋崖  
猶竿

樂府祖

玉樓春

錦籜參差朱檻曲露濯文犀和粉綠未容濃翠伴桃紅  
已許纖枝留鳳宿嫩似春莢明似玉一寸芳心誰管  
未勸君速喫莫踟躕看被南風吹作竹

錢僖  
公

蕨菜

薇附

事實祖

碎錄

根如紫草多生山間人作茹食之四皓食之而壽夷齊

食之而死固非良物

本草

陟彼南山言采其蕨

詩

采薇采

薇

並詩

紀要

伯夷叔齊不食周粟餓于首陽採薇而食之

杜詩注

晉齊

王同秉政張翰謂顧榮曰天下紛紛未已吾本山林人

無望于時久矣宜採南山蕨飲三江水

晉書

賦咏祖

五言散句

採薇南山岑

張九齡

山中疾採薇

少陵

石暄蕨芽紫

初拳幾枝蕨

太白

爭復如藜蕨

韓愈

饑提採蕨筐

香山

野蕨漸紫色

饑食西山蕨

秋風吹几杖不厭此山薇

石間採蕨女驚菜輪官曹

七言散句

今日東湖採蕨薇

少陵

蕨芽已作小兒拳

白氏集

山童新採蕨芽肥

放翁

五言古詩

西山采蕨人蓬首尚傾國懷哉遠莫致引脰勢已塞傾

筐忽墮前此意豈易得良遇不可遲枯筇有餘力

朱文公

七言八句

真人宮府未因緣且向龍山作散仙  
春入燒痕催採蕨雨翻泥壠憶歸田  
疏腸我苦枵蟬腹詩格君如擎鶚拳  
筋下萬錢謀更鄙諸君飽死大官羶

秋崖  
二首

野燒初肥紫玉圓桔松瀑布煮春烟  
偃王妙處元無骨鉤弋生來已作拳  
早韭不堪同嗅味秋萸雖滑滯腥涎  
食經豈為吾曹設弱脚寒中恐未然

全芳備祖後集卷二十三